



# WWW.MY.GOV.GE

## ს ა ი ნ ფ ო რ მ ა ც ი ო ფ უ რ ც ე ლ ი

გამოშვება #71

იანვარი-თებერვალი, 2019

### გამოშვებაში

„მონაცემთა გაცვლის სააგენტომ“ უსაფრთხო ინტერნეტის საერთაშორისო დღისადმი მიძღვნილ ღონისძიებებში მიიღო მონაწილეობა

1

### „მონაცემთა გაცვლის სააგენტომ“ უსაფრთხო ინტერნეტის საერთაშორისო დღისადმი მიძღვნილ ღონისძიებებში მიიღო მონაწილეობა



5 თებერვალს საერთაშორისო საზოგადოება „უსაფრთხო ინტერნეტის დღეს“ აღნიშნავს (Safer Internet Day - SID). ამ ყოველწლიურ გლობალურ ინიციატივას ეკონომიკისა და მდგრადი განვითარების სამინისტროს ორგანიზებით დაგეგმილი ღონისძიებებით საქართველო წელს პირველად შეუერთდა.

კერძო სექტორის წარმომადგენლებს კვალიფიციური სანდო მომსახურებისა და ელექტრონული სერვისების ერთიანი პორტალის შესახებ მორიგი ტრენინგი ჩაუტარდათ

2

მთელი დღის განმავლობაში არაერთი აქტივობა გაიმართა, რომელშიც სამთავრობო უწყებების, არასამთავრობო ორგანიზაციების, აკადემიური წრეებისა და საერთაშორისო ორგანიზაციების წარმომადგენლებმა მიიღეს მონაწილეობა.

საქართველოს იუსტიციის სამინისტროს სსიპ „მონაცემთა გაცვლის სააგენტო“ აღნიშნულ დღესთან დაკავშირებით დაგეგმილ ღონისძიებებში აქტიურად ჩაერთო. სააგენტოს წარმომადგენლებმა სასტუმრო „თბილისი რუმსში“ გამართულ შეხვედრაზე, რომელსაც ეკონომიკისა და მდგრადი განვითარების სამინისტროს, განათლების, მეცნიერების, კულტურისა და სპორტის სამინისტროს, საქართველოს პარლამენტის ჯანმრთელობის დაცვისა და სოციალურ საკითხთა კომიტეტის, საქართველოს კომუნიკაციების ეროვნული კომისიის, ISOC-საქართველოსა და სხვა სამთავრობო და არასამთავრობო ორგანიზაციების წარმომადგენლები ესწრებოდნენ, ინტერნეტუსაფრთხოების მნიშვნელობასთან, შესაბამისი საკანონმდებლო ბაზის გაუმჯობესებასთან და ზოგადად, ინტერნეტმართველობის საკითხებთან დაკავშირებული პრევენტაცია გააკეთეს; ამავე სააგენტოს სამთავრობო კომპიუტერულ ინციდენტებზე სწრაფი დახმარების ჯგუფის (CERT-GOV-GE) წარმომადგენლებმა კი საქართველოს ტექნიკურ უნივერსიტეტში კიბერუსაფრთხოებისა და კიბერპიიენის თემაზე სტუდენტებისთვის ტრენინგი ჩაატარეს (გაგრძელება გვ. 2).



www.justice.gov.ge



www.house.gov.ge



www.my.gov.ge



www.sda.gov.ge



www.napr.gov.ge




www.archives.gov.ge



www.nbe.gov.ge



www.notary.ge



www.matsne.gov.ge



www.eauction.ge



www.tbilisi.gov.ge

(გაგრძელება. დასაწყისი გვ. 1) „ვფიქრობ, ძალიან მნიშვნელოვანი ინიციატივაა, რომ უსაფრთხო ინტერნეტისადმი მიძღვნილი საერთაშორისო დღე წელს პირველად საქართველოშიც აღინიშნა. ევროკომისია აქტიურად უჭერს მხარს ამ პროექტს, ჩვენ კი, როგორც გლობალური ინტერნეტუსაფრთხოების ნაწილი, აქტიურად უნდა ვიყოთ წარმოჩენილი ამ ასპარეზზე, ვინაიდან საქართველოში ბევრი პროექტი და ინიციატივა გვაქვს, რომელიც ინტერნეტუსაფრთხოებას უკავშირდება“, - ნიკოლოზ გაგნიძე, საქართველოს იუსტიციის სამინისტროს სსიპ „მონაცემთა გაცვლის სააგენტოს“ თავმჯდომარე.

„უსაფრთხო ინტერნეტის დღე“ 2005 წლიდან ყოველ თებერვალს აღინიშნება “ინსეიფ/ინჰოპე” (Insafe/INHOPE) ერთობლივი ქსელის ორგანიზებით და ევროკომისიის მხარდაჭერით. ის წარმოადგენს გლობალურ მოძრაობას, რომელიც ეძღვნება უსაფრთხო ინტერნეტგარემოს შექმნას, განსაკუთრებით ბავშვებისთვის და ახალგაზრდა თაობისთვის. „უსაფრთხო ინტერნეტის დღის“ მიზანია უსაფრთხო და უკეთესი ინტერნეტსივრცის შექმნა და ინტერნეტში უსაფრთხოების საკითხების შესახებ ინფორმირებულობისა და „ციფრული წიგნიერების“ დონის ამაღლების ხელშეწყობა, განსაკუთრებით ბავშვებსა და მოზარდებში, ასევე მათ მშობლებსა და პედაგოგებში.

## კერძო სექტორის წარმომადგენლებს კვალიფიციური სანდო მომსახურებისა და ელექტრონული სერვისების ერთიანი პორტალის შესახებ მორიგი ტრენინგი ჩატარდა



კერძო სექტორის წარმომადგენლებს 22 თებერვალს სასტუმრო „თბილისი მარიოტში“ ელექტრონული ხელმოწერისა და ელექტრონული სანდო მომსახურების სამართლებრივი ასპექტების, ასევე ელექტრონული სერვისების ერთიანი პორტალის (My.gov.ge) პრაქტიკული დანიშნულების შესახებ ტრენინგი ჩატარდა. ღონისძიება საქართველოს იუსტიციის სამინისტროს სსიპ „მონაცემთა გაცვლის სააგენტოს“ ორგანიზებითა და USAID-ის დემოკრატიული მმართველობის ინიციატივის (GGI) მხარდაჭერით ჩატარდა.

ტრენინგს სსიპ „მონაცემთა გაცვლის სააგენტოს“ წარმომადგენლები უმღებოდნენ, რომლებმაც დამსწრე აუდიტორიას კვალიფიციური სანდო მომსახურებისა და

ელექტრონული სერვისების ერთიანი პორტალის (My.gov.ge) პრაქტიკული დანიშნულების შესახებ ინფორმაცია მიაწოდეს. ტრენინგის მიზანი კერძო სექტორში მომუშავე შესაბამისი პერსონალისთვის სიახლეების გაცნობა და ცვლილებებთან მიმართებით მათი პრაქტიკული უნარ-ჩვევების ამაღლება იყო, რაც შემდგომში მომხმარებლისთვის ხარისხიანი მომსახურების გაწევას უზრუნველყოფს.

„აღნიშნულ ტრენინგს დიდი მნიშვნელობა აქვს, ვინაიდან საქმე ეხება სიახლეებს როგორც ელექტრონულ დოკუმენტზე კვალიფიციური ელექტრონული ხელმოწერის შესრულების ან/და კვალიფიციური ელექტრონული შტამპის გამოყენების, ისე ელექტრონული სერვისების ერთიანი პორტალზე განხორციელებული ძირეული ცვლილებების მიმართულებით. მოგეხსენებათ, რომ ელექტრონული სერვისების ერთიანი პორტალზე თავმოყრილია ისეთი სერვისების აბსოლუტური უმრავლესობა, რომელთა მოხმარებაც ელექტრონული ხელმოწერის/შტამპის გამოყენებას საჭიროებს, ამდენად ტრენინგის მონაწილეებისთვის პორტალზე განხორციელებული ცვლილებების შესახებ ინფორმაციის მიწოდებაც მეტად მნიშვნელოვანია“, - ნიკოლოზ გაგნიძე, საქართველოს იუსტიციის სამინისტროს სსიპ „მონაცემთა გაცვლის სააგენტოს“ თავმჯდომარე.

კვალიფიციური ელექტრონული ხელმოწერა/შტამპი კომუნიკაციის თანამედროვე ფორმის განუყოფელი ნაწილია და უსაფრთხოების მაღალ სტანდარტებთან შესაბამისობის გამო მისი გაყალბება პრაქტიკულად შეუძლებელია. კვალიფიციური ელექტრონული ხელმოწერის/შტამპის გამოყენება ამარტივებს ურთიერთობის პროცესს როგორც სხვადასხვა უწყებასთან და მომსახურების გამწვევ ორგანიზაციასთან, ისე საქმიან პარტნიორებს შორის.

იხილეთ ჩვენი საიტები

[www.dea.gov.ge](http://www.dea.gov.ge); [www.my.gov.ge](http://www.my.gov.ge)

მონაცემთა გაცვლის  
სააგენტო

უნივერსიტეტის ქ. 50  
თბილისი 0102, საქართველო  
ტელეფონი: (+ 995 32) 291 51 40  
ელფოსტა: [info@dea.gov.ge](mailto:info@dea.gov.ge)

საქართველოს იუსტიციის სამინისტრო

მონაცემთა გაცვლის  
სააგენტო



თუ ხართ ახალი მომხმარებელი ან კვლავ გსურთ საინფორმაციო ფურცლის გამოწერა, გთხოვთ გამოაგზავნოთ ელექტრონული შეტყობინება მისამართზე: [info@dea.gov.ge](mailto:info@dea.gov.ge) და სათაურში მიუთითოთ **“Subscribe”** ან დაარეგისტროთ თქვენი ელექტრონული ფოსტის მისამართი ვებ გვერდზე: [www.e-government.ge](http://www.e-government.ge)

თუ არ გსურთ, მონაცემთა გაცვლის სააგენტოს საინფორმაციო ბიულეტენის მიღება, გთხოვთ